

Za obavljanje servisnog, interventnog i tekućeg održavanja gorionika, kontrola i ispitivanje određenih tabelom 4. člana 73 važećeg "Pravilnika o tehničkim normativima za projektovanje, građenje, pogon i održavanje gasnih kotlovnica Službeni list SFRJ br. 10 od 23.02. 1990), Mjerenja emisijae zagađujućih materija iz ložišta na čvrsta, tečna i gasovita goriva na osnovu zakona o zaštiti zraka (Službene novine FBiH broj 33/03, 4/10) i Odluke o zaštiti i poboljšanju kvaliteta zraka u Kantonu Sarajevo (Službene novine Kantona Sarajevo br. 1/13), Pravilnika o preuzimanju i primjeni tehničkih propisa za oblast projektovanja, građenja, puštanja u pogon, eksploatacije i održavanja postrojenja i instalacije prirodnog gasa (Sl. novine FBiH, br. 83/08), Zakona o zaštiti na radu (Sl. list SR BiH 22/90), Uredbe o snabdijevanju prirodnim gasom Kantona Sarajevo, čl. 13.(Službene Novine KS br. 27 od 11.07.2013. godine), te odluke o dodjeli ugovora broj 01-3-5583-US-10-7/07 od 25. 10. 2017. godine, ugovorne strane:

1.»ELKOMONT“ d.o.o. za gasne i uljne gorionike, instalacije i unutrašnju i vanjsku trgovinu Sarajevo » ul: Soukbunar br. 48, kojeg zastupa direktor društva Barakovac Azra, dipl. oec, u daljem tekstu (Davalac usluga) i

2. EKONOMSKI FAKULTET U SARAJEVU, ul. Trg oslobođenja - Alija Izetbegović br. 1, koga zastupa dekan Fakulteta, prof. dr. Kemal Kozarić, u daljem tekstu: (Korisnik usluga),

dana 06. 11. 2017. godine zaključili su

UGOVOR o pružanju usluga

Član 1.

- **PREDMET UGOVORA** je: servisno, interventno i tekuće održavanje gorionika, vanezonski servis, podešavanje i ispitivanje gorioničkog postrojenja, mjerenje emisije polutanata u zraku iz ložišnih instalacija , izdavanje zapisnika o izvršenim mjerenjima za ložišne instalacije sa izdavanjem protokola emisije sagorijevanja i podešenosti sigurnosnih zaštita, a sve prema ponudi davaoca usluga broj 240/17 od 25. 10. 2017. godine.

Član 2.

Obavezni godišnji servis gorionika(izvansezonski servis) podrazumijeva slijedeće radove:

- Vizuelna kontrola opreme.
- Demontažu, čišćenje i podmazivanje dijelova plamenika, ventilatora, predgrijača,kablova za paljenje, elektroda, plamene cijevi, stabilizatora plamena, nosača dizni, zaptivki na VN transformatoru, programatora, šamota i izolacije kotlovskih zaptivki, elemenata zaštite kotla , regulacionih elemenata sa montažom elemenata koji se demontiraju.
- Servisiranje instalacije dovoda elemenata gasne rampe:filtera, regulatora tlaka, regulacionih ventila i elektromagnetnih kuplunga i elemenata uljne dionice:filtera za ulje, uljne rampe , magnetnih ventila i dizni.
- Demontaža, čišćenje i podmazivanje elemenata gasne rampe/uljne dionice, montaža istih i ispitivanje na zaptivenost.
- Podešavanje gorionika i regulacija na gas/ulje
- Provjera, čišćenje i podmazivanje gasne opreme sa elementima regulacije i zaštite.
- Podešavanje kapaciteta gorionika na ulje/gas, regulacija sagorijevanja i mjerenje radnih stanja ulje/gas, probni rad gorionika, provjera plamena i izdavanje servisnog lista o izvršenom vizuelnom pregledu i servisiranju gorionika.
- pregled, kontrola, mjerenje i podešavanje parametara radnih stanja postrojenja (tlak, uljne pumpe, sigurnosni termostat/presostat, radni termostati, protok gasa, tlačni prekidači, sigurnosna vremena, presostati ulja itd.) sa izdavanjem protokola gasne ložišne instalacije o izvršenim kontrolama i mjerenjima.
- kontrola i ispitivanje pripadajućih elektroinstalacija: vizuelni pregled, funkcionalnost radnih faza,

ispravnost ožičenja i priključaka, elektrokomandni ormar sa opremom koja je u njega ugrađena.

Član 3.

CIJENA USLUGA I NAČIN PLAĆANJA:

Korisnik usluga se obavezuje da Davaocu usluga za navedene usluge plati ukupnu cijenu u iznosu od 1.800,00 KM, bez uračunatog PDV-a, odnosno 2.106,00 KM sa uračunatim PDV-om.

Korisnik usluga se obavezuje da usluge iz člana 1. ovog ugovora plaća nakon završetka posla, žiralno u roku od 15 (petnaest) dana od dana ispostavljanja fakture na račun davaoca usluga broj:

Račun isplatiti na račun kod SBERBANK BH 1401010000620251 ili
RAIFFEISENBANK 1610000094360059

Član 4.

Dijelovi koji se mijenjaju, posebno se obračunavaju po cijenama i troškovima na dan izvođenja radova. Mogućnost nabavke dijelova je po dogovoru.

Član 5.

TEKUĆE, SERVISNO I INTERVENTNO ODRŽAVANJE

Obavezni godišnji servis izvršiće se u izvansezonskim mjesecima (od maja do septembra) i to odmah po potpisu ugovora.

Za Interventno održavanje Izvršilac usluga se obavezuje da će po primitku poziva izaći na objekat, izvršiti uvid i preuzeti radnje iz domena ovog ugovora u roku od 5(pet) sati po prijemu poziva u bilo koje vrijeme i shodno hitnosti poziva za intervenciju.

Za vršenje cjelokupnog nadzora nad izvođenjem ugovorenih radova Korisnik ovlašćuje svog predstavnika:

Član 6.

Korisnik usluga je dužan obezbijediti Izvršiocu:

- a) neometan ulazak servisera i servisnog vozila
- b) normalne uslove za rad servisera i postrojenja
- c) prisustvo rukovaoca postrojenja

Član 7.

Dolazak servisera i prevoz(transportne troškove) posebno se ne plaćaju i isti su uračunati u cijenu utvrđenu u članu 3. ovog ugovora.

Član 8.

Korisnik usluga je dužan da pravovremeno obavještava Izvršioca usluga o svim greškama u radu opreme ili o simptomima mogućih poremećaja u toku eksploatacije.

Član 9.

Korisnik se obavezuje da neće pozvati na servisne intervencije druge servise ili neovlaštena lica, niti sam otklanjati kvarove, jer u tom slučaju Izvršilac ne može preuzimati odgovornost za moguće štete i kvarove, niti garantovati ispravnost rada postrojenja.

Član 10.

Korisnik usluga, kao korisnik opreme, dužan je istu povjeriti na rukovanje za to osposobljenim licima, pridržavati se tehničkih normi pri radu, kao i uputa koje je dobio od proizvođača opreme ili izvršioca usluga. U slučaju nepridržavanja gornje odredbe, moguće posljedice snosi sam Korisnik.

Član 11.

Izvršilac usluga nema pravo da samovoljno proširi obim radova (zamjena dijelova) bez saglasnosti Korisnika usluga.

Svaki slučaj samovoljnog i neopravdanog proširenja radova ili zamjene dijelova Korisnik nije dužan da plati.

Član 12.

Za radove koji su predmet ovog ugovora garantni rok je jedna godina računajući od dana izvršene i primljene radnje od strane ovlaštenog predstavnika Korisnika zapisnikom u pismenoj formi.

U toku trajanja garantnog roka Izvršilac je dužan da na poziv korisnika otkloni sve eventualne nedostatke u vezi sa izvedenim radovima koji su predmet ovog Ugovora.

Član 13.

Jednako kao što Korisnik snosi troškove popravke kvara do kojeg je došlo usljed nestručnog ili neodgovornog rukovanja opremom, tako i Izvršilac usluga snosi troškove kvara do kojeg je došlo greškom u toku rada servisera Izvršioca.

Član 14.

Ovaj Ugovor stupa na snagu datumom potpisivanja ovlaštenih lica od strane obje ugovorene strane, a primjenjuje se od 06. 11. 2017. godine i važi do 06. 11. 2018. godine.

Član 15.

Sve eventualne sporove pri realizaciji Ugovora, ugovorne strane će prvenstveno pokušati riješiti sporazumno.

U slučaju da se nastali spor ne može riješiti sporazumno, za spor je nadležan Sud u Sarajevu.

Član 16.

Ugovor je sačinjen u 4 (četiri) istovjetna primjerka, od kojih za svaku ugovornu stranu po 2(dva).

Sarajevo: 06. 11. 2017. god.

Broj: 066-1117

Za Izvršioca usluga direktor:

Azra Barakovac



Sarajevo: 06. 11. 2017. god.

Broj: 01-3-5583-US-10-9/17

Za Naručioca usluga dekan:

Prof. dr. Kemal Kozarić

